

3 þeim, sem sett eru um skip í strandsiglingu, með þeim takmörkunum, sem þau 3. jan. heimila.

18. gr.

Þegar svo stendur á, að ekki er unnt að koma fólki á mannfundi, nema á skipi, skal leyft að flytja fleiri farþega en um getur í 16. og 17. gr. hér að framan, en fengið skal þá samþykki skipaskoðunarstjóra til þess eða þess manns, er hann tilnefnir.

Skipaskoðunarstjóri setur öll nánari skilyrði fyrir slíkum farþegaflutningi, eftir stærð skipsins, útbúnaði og leið þeirri, sem fara á um.

19. gr.

Brot gegn ákvæðum þessarar reglugerðar varða sektum frá 50—5000 kr. Með mál út af brotum skal farið sem almenn lögreglumál.

Reglur þessar öðlast gildi þegar í stað. Jafnframt falla úr gildi reglur nr. 215 10. nóvember 1943, um útbúnað skipa, sem eru í förum á ófriðar- eða hættusvæðum o. fl.

Atvinnu- og samgöngumálaráðuneytið, 3. janúar 1946.

Emil Jónsson.

Páll Pálmason.

4

7. jan.

REGLUGERÐ

um róðrartíma fiskibáta við Faxaflóa.

I. KAFLI

Útgerðarsvæði fiskibátanna.

1. gr.

Reglugerð þessi gildir fyrir Miðnes-, Keflavíkur-, Njarðvíkur- og Vatnsleysu-strandarhreppa í Gullbringusýslu og Hafnarfjörð, Reykjavík og Akranes og nær til allra fiskibáta, sem stunda veiðar með línu á tímabilinu frá 1. janúar til 31. maí.

II. KAFLI

Róðrartími fiskibáta í Sandgerði.

2. gr.

Á tímabili því, sem um ræðir í 1. gr., má enginn bátur, er gengur til fiskveiða með línu frá Sandgerði, fara út úr Sandgerðishöfn í fiskiróður frá kl. 12 á hádegi til þess tíma, er hér segir:

Í janúarmánuði	kl. 2
Í febrúarmánuði	— 1
Frá 1. til 15. marz	— 24
Frá 16. til 31. marz	— 23
Frá 1. til 15. apríl	— 22
Frá 16. til 30. apríl	— 21
Frá 1. til 31. maí	— 20

Takmörk Sandgerðishafnar teljast að vestan grænu innsiglingaljósin á höfninni

og að norðan hvíta ljósið á Sandgerðisvíta. Þegar hinn tilsetti tími er kominn, verður gefið ljósmerki í landi.

4
7. jan.

III. KAFLI

Róðrartími fiskibáta úr Keflavíkur-, Njarðvíkur- og Vatnsleysustrandarhreppum í Gullbringusýslu og Hafnarfirði, Reykjavík og Akranesi, þegar sótt er á mið Sandgerðis- og Keflavíkurbáta.

3. gr.

Á tímabili því, sem um ræðir í 1. gr., má enginn bátur frá Keflavík, Njarðvíkum, Vatnsleysuströnd, Hafnarfirði, Reykjavík og Akranesi fara í fiskiróður frá kl. 12 á hádegi til þess tíma, er hér segir:

Í janúarmánuði	kl. 1,41
Í febrúarmánuði	— 24,41
Frá 1. til 15. marz	— 23,41
Frá 16. til 31. marz	— 22,41
Frá 1. til 15. apríl	— 21,41
Frá 16. til 30. apríl	— 20,41
Frá 1. til 31. maí	— 19,41

Brottfararstaður báta þeirra, sem hér um ræðir, skal vera við línu, er hugsast dregin N15°A frá Gerðhólma og merkt er með tveimur rauðum ljósum í landi.

Þegar hinn tilsetti tími er kominn, verður gefið ljósmerki í landi.

IV. KAFLI

Róðrartími fiskibáta frá Akranesi, Reykjavík og Hafnarfirði, þegar sótt er á fiskimið á norðanverðum Faxaflóa.

4. gr.

Á tímabilinu frá 1. jan. til 31. maí að báðum þeim dögum meðtöldum, má enginn bátur, sem gengur til veiða frá Akranesi, fara í fiskiróður frá kl. 12 á hádegi til þess tíma, er hér segir:

Frá 1. janúar til 14. febrúar	kl. 24,00
Frá 15. febrúar til 15. marz	— 23,00
Frá 16. til 31. marz	— 22,00
Frá 1. til 15. apríl	— 21,00
Frá 16. til 30. apríl	— 20,00
Frá 1. til 31. maí	— 19,00

Þegar hinn tilsetti tími er kominn, skal ljósmerki gefið í landi, og er bátum óheimilt að leggja af stað fyrr en slíkt merki hefur verið gefið. Þó skal heimilt að fara út fyrir „Sundin“, en þó ekki norðar en að Vestra-Sundsmerkin beri saman og ekki vestar en að miðjan Berjadal beri í Flasarvitann á Akranesi.

5. gr.

Á tímabilinu 1. janúar til 31. maí, að báðum þeim dögum meðtöldum, má enginn bátur, er gengur til veiða frá Reykjavík, fara í fiskiróður frá kl. 12 á hádegi til þess tíma, er hér segir:

Frá 1. jan. til 14. febr.	kl. 22,40
Frá 15. febr. til 15. marz	— 21,40
Frá 16. til 31. marz	— 20,40

4
7. jan.

Frá 1. til 15. apríl	kl. 19,40
Frá 16. til 30. apríl	— 18,40
Frá 1. til 31. maí	— 17,40

Brottfararstaður bátanna er á ytri höfninni við línu, er hugsast dregin um hafnarvitann á Ingólfsgarði og hafnarvitann yzt á Faxagarði.

Þegar hinn tilsetti tími er kominn, verður gefið ljósmerki í landi.

6. gr.

Á tímabilinu 1. janúar til 31. maí má enginn bátur, er gengur til veiða frá Hafnarfirði, fara í fiskiróður frá kl. 12 á hádegis til þess tíma, er hér segir:

Frá 1. jan. til 14. febr.	kl. 22,30
Frá 15. febr. til 15. marz	— 21,30
Frá 16. til 31. marz	— 20,30
Frá 1. til 15. apríl	— 19,30
Frá 16. til 30. apríl	— 18,30
Frá 1. til 31. maí	— 17,30

Brottfararstaður bátanna er við línu, er hugsast dregin í beinu framhaldi af hafnargarðinum.

Þegar hinn tilsetti tími er kominn, verður gefið ljósmerki í landi.

V. KAFLI

Almenn ákvæði.

7. gr.

Allar tímaákvarðanir í reglugerð þessari miðast við islenzkan meðaltíma.

8. gr.

Hlutaðeigandi hreppsnefndir eða bæjarstjórnir kjósa 3 eða 5 bátaformenn ár hvert í nefnd til þess að gæta þess, að fylgt sé ákvæðum reglugerðar þessarar, og annast nefndarmenn um, að fyrirskipuð merki um róðrartíma séu gefin og kæra fyrir brot á reglugerðinni til lögreglustjóra.

9. gr.

Ákvæði reglugerðar þessarar ná ekki til útilegubáta.

10. gr.

Brot gegn ákvæðum reglugerðar þessarar varða sektum frá kr. 500 til kr. 5000. Ítrekað brot getur varðað missi réttinda til skipstjórnar í 6 mánuði. Mál út af brotum skulu sæta meðferð opinberra mála.

11. gr.

Reglugerð þessi öðlast gildi þegar í stað.

Reglugerð þessi staðfestist hér með samkvæmt lögum nr. 1 12. jan. 1945, um róðrartíma fiskibáta. Jafnframt er úr gildi felld reglugerð nr. 69 14. marz 1945, um róðrartíma fiskibáta, og önnur fyrirmæli, er fara í bága við ákvæði þessarar reglugerðar.

Atvinnumálaráðuneytið, 7. janúar 1946.

Áki Jakobsson.

Gunnl. E. Briem.